

向氏六修族谱序

谱之为义大矣哉所以序昭穆别尊卑笃人伦而美风俗者也夷攷厥源繇来夙矣周礼小史奠世系谱始昉焉秦火既燔典籍残缺官失其职氏族以淆汉儒辈与国姓迄无定论遑问编氓曹魏九品中正法行有司选举概稽簿状江左诸朝因之士族承风競治谱学浮誇依附务以门地相高屏弃单寒禁为昏媾书佚以矣其目散见於世说新语註者犹三十有奇要皆文家尚贤之言旨无当于收族也厥后宋欧苏二氏本質家亲亲之道阙疑纪实录情度义各详其宗日远而莫能或外由是而国而天下用刑礼俗正不徒维击固结保世滋大已也乌虜盛哉向氏为中州右族自太慰文简公仕宋真崇朝为时名相淳谨温良荣施奕叶暨乎南渡其五世孙许虔公守洪州卒于官有子四人相率负柩徙处吾平至今垂七百年家乘之修且六届矣甲申冬月至友子崑将其族人君子之意问叙於余余维世系之次播越之繇按诸宋史以核旧叙信而足徵茲编式仿眉山而断

自许虔公别录先世勿诬勿漏隐寓宗法若協崑山归氏之义体例精慎视夫妄攀巧合忘本乱流嚶嚶然徇众取宠者之用心區以别矣抑余尤有进焉王船山有言中原丧乱山谷村堡之间故族完聚礼乐文章尚可求访吾平屏蔽湘东壤连贛鄂兵戈騷屑何代无之世室故家日就崩析向氏占籍为久独能以息以蕃以享其田园以守其邱墓而无离散争陵之事意必有阁然高隐修身于家成教于族者往在逊朝魏科相继岁时祭祀号为知礼今之秀者群与于学以蘄奋发于事功樸者力田服贾鲜有侈怠信其族盛而多贤船山之言为不虚也当许虔公之子士衡宾旅于此意谓避乱图存以妥先灵耳庸讵知其后之昌如是耶国削身危今不異昔子崑竄伏岩阿乃能偕其父老兄弟兢兢焉以收族为志上恢前烈下保无疆之休览兹谱者豈惟睟然兴也德之思运会推移亦将于是乎驗用忘讒陋谨为叙以貽之湖南高等法院院长陈长簇顿首拜撰

初修罗序

木之生也既成而实取实种之他所復生木如初木非即是木也木之神不二也人之生亦然一人而生子二一子而生子又二离而至不可僕数皆必有本有幹有枝有叶然后生生且不已是故合以姓綴以食统以宗继以别援而纒之奇零参差俾楚楚可考其本乃一平之有向氏隸于其乡之西土爰及湘若长亦星基散布最庶且繁稽其所本则自宋宝祐时其先人潭州节度使谥武毅字士璧者与其弟衡龙雄渊以宦遊故遂定墨于此萃数百年以来矣余考向氏族河南为巨本宋公后职世卿采于向因以氏春秋时若戍若耕咸章章可纪其他如汉晋间以军务显以隐节高代有其人今勿深者至若赵宋真宗时累官左僕射谥文简者相业最有名居常想其闭门谢客而齐厨溷然窃以谓古人渊默端慤有大过人者真国之桢也而豈貌荣名者哉其镇吾潭州节度使武毅公乃文简七世孙也史傳其才气精悍方镇潭时曾以五百人败元将于南岳市潭民倚之得

全活无处卒以悃欵言事忤权贵人权贵人妒其功高欲兀以危地寻罷职潭民间其罷
念感慨欷歔泣下数行建其祠于省西门岁时祀之呜呼此则所谓松柏之历霜雪而不
改易者真不愧为文简之柯幹矣平若长湘之有向氏而託始于其弟昆其亦置之他所
而木之神不二者也抢吾闻祝融会仙厓石无膚土而松永不墜较他木且坚而荣是其
根憑于固也向之地著数百年于兹其先世率以隐德晦其光植之近于穴石从而壅培
之又从而次第整之毋披其枝毋伤其心毋爪其膚毋摇其本豈惟不墜且用以卜其坚
而荣也乃或谓武毅以前其显望伟烈历数代悉赫赫照人自託居南楚来虽列科第登
仕藉者后先相望而要未免枝叶稍凌夷之咸夫豈知蓄极而洩理所應然况令幸際昌
期沐浴日人当有诞敷先烈之士蹶生而接武是敛华即实皆得为崇高继长地也庸以
是为歉哉余时方退閒讲学于湘西之麓山有向生曾贤从余遊凡六载愿而温質而有
其文己酉岁由选拔领乡薦一日携家乘乞序且日家君与其族长方鳩工建祠落成因

继有是举余嘉其笃於宗谊又用以广不二本之说焉至其世系之详及家规之善彼固有为之缕记者余不赘赐进士出身诰授奉直大夫沔阳寺少卿翰林院编修庶吉士掌教岳麓书院慎齐罗典谨撰

初修 公序

从来宗祠不建族谱不叙则子孙无以长其恩爱作其礼让而亲长之义缺代降而下服穷亲尽势必至祭祀不修贺召不及无惑乎有至亲相视若塗人者矣吾族今日所以亟亟秋谱之修而不敢委之后者也虽然踵成易创始虽吾向氏本宋公族自春秋迄于晋唐世处河内代有达人然时族法未立则固不能详述其本末乃叵有宋文简公代显于朝国史具在可考而知也至实祐时武毅公始以安抚节度镇潭州其昆仲偕南来遂卜居于平邑长湘亦后先散处之迄今数百年未之有改是故可谓安土矣其间卒葬迁徙亲疎远近似亦无难人人指述也第历年既久生齿日繁未免各自为族分非不严也而

情则疎谊非不笃也而爰则弛又况前明元福元礼元德诸公手订谱略实之者秘之而其时得见者盖寡虽天顺间广文成颜公续本所在皆有然相沿既久互有残缺亦未敢尽信而无疑也则欲聿新祠谱不亦阻于创始之难其据哉乾隆甲辰春有衡公房宠卿隆高开泰达俊宾韶千锺尔寿班林天申善忠敦士齐哉萃川继中等龙公房士希统四希成兼万成才舜明从先元善克明以荣廷邦国瑞雄公房民怀渊公房倩修合展祖墓类多倾圯计非合吾族共新祠谱以图久远不可而又恐近传之牒不足信今而传后也因取前明诸公旧本考证源流遂倡建祠叙谱之议凡有合于谱畧而不差者一一关合之而一时人怀孝友之心家笃亲长之义咸翕然从风盖我国家久道化成渐仁摩义新新长长天下大同平及长湘素号林南通邑共沐教泽者为最深宜科敦本睦族之言感人尤易易也故属我衡龙雄渊四公嫡裔先后汇集远近毕至嘻是皆知立爰惟亲立敬惟长者矣顾念创始维艰非一人任爰公举总理有文彦以成秉钧徵吉抔万九均锡图

極尊八人挈其大首事有德瑞清才希成万选士希统四成才屏藩兼万元善克明以荣周亨懋德天申善忠齐哉敦士事君达俊学胜萃川拔尤书圃魁黄尔寿班林超第分其荣房长庆来长清清才胜越晓南世荣焕文秉乾九牧大才国瑞胜鉴千乘从先奇武思孔聘登佑胜西翰赐才云汉高萃鼎和经邦萃其涣局谱阮贤廷翰廷选重庆学孔重亨颜贤曾贤官贤贤书贤纲贤焘贵珏日新丹书司其文如是者盖重其事而不敢忽也况乎家谱之修所以考世系辨昭穆溯本根非徒纪爵秩誇门第详其生死卒葬与夫婚嫁迁徙已也我族自隸籍南土以来其散处迁移者不可胜纪以代远而溯源流本则同矣而其中继续纷纭要难免禾莠之别此其势固然也今惟卽我衡龙雄渊四公之近而可徵者勒成家乘其势已有所难拘然于似续承桃中稍宽其异姓乱宗之例又恐人愈多而混淆易起世代之相沿其流弊交安极乎由是整齐严肃不避嫌疑无论我族之近而且显者一概辨之必力为之稽其异同分以正附庶大义昭而名分正此亦族法之所难

道者矣凡我后人使由此而崇其体要穷其根柢于焉正本澄源以光大其门祚则今日祠谱之作岂偶然哉兹者祠落成而谱事亦竣向之所谓祭祀不修者今则卜其俎豆不桃与世俱长矣向之所谓贺召不及者今则卜其优乐与共式好无犹矣而且家有其书不烦参考某山某水某公之所钓遊某墓某邱某公之所宅兆及夫世代里居皆可徵之展卷视前此之僅存谱畧其疏密为何媚耶夫以数百年未就之绪一旦崛起奮兴继自今我世世子孙无忘先绪举凡生其后者登祖宗之堂如与祖宗遇繙祖宗之牒如与祖宗言较之未有祠谱之先有差幸焉则创始之功得不推美于今日哉故详誌之俾后之踵事宗祠继修族谱者知所自始而不没其功且用以仰体圣朝治化之隆以共相亲长于无既也豈不休哉是为序 清乾隆己酉岁仲冬月上浣之吉合族谨撰

初修阮贤序

阮少时受书岳麓从山长王九溪夫子遊与一时知名士订同门齿谱心甚歉焉后讲学

北乡幕阜山下进欧何诸大族适以家谱商之阮见其敬宗收族考据精严有关体要心窃重之且陷觸于怀终未卜吾族家谱订自何时于是养养者岁二十稔乾隆甲辰冬吾族建立宗祠落成后踵修家谱己酉春阮奉诸族长先生命从事谱局偕从弟颜贤曾贤等者之国史泰之旧牒兼之采访午夜校旧凡数月谱亦粗就阮因思吾夫子有曰某殷人也又楚辞云帝高阳之苗裔兮朕皇考曰伯庸古圣贤之尊所自出如此吾向氏以宋微子后食采于向遂以为氏由周秦以逮汉唐代有傅人欲于此中牵引攀附授若者为某某祖若者为某某宗则诚有所不敢今据前代元福元礼元禄元德诸公旧谱以敏中公为崑仑墟自公以下五代畧傲苏氏照其派次叙列于前五代以下则以士衡士龙士雄士渊四公为始迁平邑分徙长湘之嫡祖爰宗欧式五代转图分其世次纪其迁徙详其生死卒葬以便查阅外且定以宗规申之家约增其派序注以凡例总以目录分以篇次并示以服制图考其中合者收之异者别之疑者阙之讹者正之繁删之缺者补之不

可没者登其傅赞而表之远离而未及谱者著其地以待续之谱如此不其成乎从前隐
觸之怀不于兹稍慰乎第媿文不雅驯言之无状荒畧之罪固所难逭至于遵扬先烈培
其本以沃其光仰副圣天子同文同伦之盛治或犹有待于后阮于此则未敢侈谈焉清
乾隆己酉岁仲冬月上浣之吉石溪居士阮贤谨撰

初朝彬序

稽我族以宋世河南宦籍改隸湖湘自崇祀潭州安抚士璧公外别无家庙元福元祀元
禄元德元闻公谱外无刻本生其后者欲延血食以肃宗祊沿旧牒而订家乘其能已哉
乾隆甲辰春我族合展始祖许虞公墓适有合修祠谱之议予曰我前人所欲举而未果
者今乃有此议也吾虽老矣尚其共劝乃事一决所议焉可也但议定而于建祠之所有
主县城者又有王伍市者予与众告曰我族之附县鄙者近则四五十里远则几至百里
其散处长湘者且隔百里外焉祠庙虽隆往返奔驰恐后来与祭者亦寥寥矣盍于县城

裁置公所祠则于伍市便僉曰诺县是度形势购基坵择吉日鳩工选材创祠于伍公市街道东偏越一岁丁未祠落成蠲吉奉主人祠祀之祭毕踵议谱事予曰祠之作有财用者可董成之能以人力与也谱之作但据旧本不无残缺网所依据此难以人力与也众曰请宗苏式谱近而不谱远可乎于是自宋敏中公五代以下叙我衡龙雄渊四大公为始迁平邑之嫡祖为之详世系别同异稽其迁徙卒葬至敍列世次兼倣欧式五代转提以便查阅越二岁己酉而谱亦成众曰公于此可以序之乎予曰祠谱之源流当路之弁言序之者详矣予独念祠谱之作非一人任其总理局中者予与以成弟暨鉴亭徵吉抃万九均锡图极遵诸人也其敛费捐丁费共成厥事者有清才万选德瑞天申士希统四善忠从先班林西猷隆高希成萃川屏藩宇授兼万沅善达俊思孔锦堂成才齐哉以荣圣鑑连茹千秉国瑞书圃渭英千钟相望赐才孔思学安云汉事君高翠诸人也其鳩工而相木取材者佑圣也至于校订家谱互为编辑者则有石溪望湖寿山晓楼松门暨姪

挥毫长男试陞次男清伊也其绘祠其图式者贵彬也凡此皆不可没其人者也嗟夫以数百年未举之事一旦祠宇焕然规模宏整谱亦元元本本较若列眉行见血食以绵祀典网缺旧乘一新源流可考其与敬宗收族之心不无一得因之移孝作忠以黼黻皇猷安在当日河南开封之盛专美于前也哉此又彬所穆然思睪然望者也清乾隆己酉岁孟冬月中浣之九日士龙公十六代孙石泉朝彬文彦甫谨撰

初修重权序

权自束发受书时每见先夫人与族人聚首辄有建祠订谱之议尔时虽少不更事窃闻其言而慨然者久之厥后先大人见背权亦颇坳节世务閒或得族臺过从座及此事又未当不怦怦于心也居常自思人苟克自树立即为朝廷美风俗厚人伦开豁屯蒙修举废缺皆得引为分内此家事耳虽繁且重何难一举而倡之然衔之且数十年欲倡而未果又私自恐恐年齿就衰此志未逮或不及终吾身而亲覩之越癸卯近族大头岭以下

东山龙洞中觜许虞公墓界为人侵犯将合族捐资以清理之一日族弟隆高族姪宾韶族姪孙尔受班林来吾家权时方抱恙未获晤谈然私以为事必主其裹计必规其大今先垅之存亡固为喫紧苟举旧牒而付之剗创祠宇而合享之则虽更累叶历云初为子孙将必有言其确鑿者何他人之侵越为是时未以此意与之细商唯命长男出欸授以大畧而去及两月乃关合族众聚议时方鼓舞喧闐众论蜂起议且未合其明日有族天申等又邀集之于是细加酌量共定主张幡然慊吾前意识既定时族众公举数人首其事有若族叔祖文彦以成暨族兄徵吉抔万族姪九均锡图族姪孙极尊等而权以疏懒成癖亦廖蒙是举且义不获辞明年夏迺鳩工建祠越三年工始竣又明年乃议修谱牒其与吾派系合者皆搜集之若本邑之长江源板被石洞勘头塘畬源中村索湾大头岭坡内桥墩坪上盘塘岑川及湘邑南陂灭山成王桥周家桥长邑蘆荻坳金埠桥麻林桥考证源流一概收合所以笃吾同宗也其有迁徙外境关白未及与及之而未至者则苏公所谓势无如何者也夫吾宗自南宋以来至于今历数十传其间星移物换之故难

以指数谨按元福元礼元德旧本自敏中公暨传系宗子许以下数公派系分明积年既久蟲鼠殘缺多不可辨令谨仍其旧盖不敢妄为加损志慎也至衡龙雄渊四公随武毅公来潭厥为始迁之祖且旧帙云衡落坪安龙遇塘止雄向山居渊临陂住今四公之子孙具在而寻其世次则皆如操左券者然爰命从姪阮长男颜次男曾从族长诸君子后编修成牒规模名号概从资实盖不敢效世族通谱之作互相纠引藉以誇耀其门第已也噫自甲辰秋建议迄于今六载矣权勉与诸公共挈大纲夙夜祇慎豈敢云劳至经营细务一切则有待于诸公者居多茲既亲覩其成大愉数十年积想并以上慰先大人拳拳之心夫豈惟祖宗之幸亦为子孙者之大幸也且祠谱之作盖匪具文使登祖宗之堂油然而生孝悌披祖宗之牒慨然而志显扬同是而尊卑长幼亲其亲长其长一化器凌诟淬之风共敦诗书弦诵之习则所以仰体圣天子孝治之隆者且于是乎在行见积厚流光人文蔚起安在文简武毅之有作于前令不復覩于后也是庆幸将更有大焉者予虽齿衰矣犹願与诸族勉之清乾隆己酉岁孟冬月穀旦士衡公十八代孙重权秉钧甫撰

初修贤振序

振自束发即从胞伯周道公受小学遇所载唐宋诸名家事公辄一一指示之稍长窃询以家乘公顾余而嘻曰小子其遽及是哉居吾语女吾族散处非一其源皆出司马河内河南各以所居名郡至宋文简公名垂史册阅数傅而有许昌许虔诸公昌子璧官潭州节度使虔子士衡公与弟龙雄渊由洪州赴幕渊即我与尔启祖也当时璧被谗罢衡兄弟遭父丧由洪州来遂隐于平江之梓江随各分处衡迁金坪龙居古塘雄居西山后为其地神渊则独迁湘阴之南陂白果相传及今十有八世明洪武四年我房元德曾与长房元福次房元礼合修公谱各房一部历年既多不免残缺其后鲜有继而纂焉惟我大父煌耳公矢志纂修卒以他故未逮可胜惜哉尔时余闻之窃谨识之乾隆十六年伯巳隣大耄犹手发煌耳公封貯七十三岁老人谱稿将白果一支彙叙成帙附以跋语命余缮正且曰本支散处近则岑川下墩稍远则本邑马王桥莲花壩营田坪更远亦不过长沙近蒲塘与浏阳等处而乃渐至于喜不庆忧不吊几几塗人相视者豈惟谱不立之过

抑以萃涣无所祠未建正故耳维时余闻之亦谨识之越九载庚辰夏余补弟子员祀祖之日附近各房少长咸集余具述伯父言众首肯特经费余议每丁出新穀三升收两载得穀二十余石积十有四年就近置祀田二斗并其址一所因与岑川协议远处弗及与閒遂于癸巳正月修祠十二月蒞事余以众委总理牛马奔驰岁无暇日盖创始若斯之难也然于谱牒则犹未逮何以无慙伯训耶乾隆四十九年冬廖承昌江诸族长告以僉谋伍公市建公祠修公谱予始闻而喜徐而恐急起而与本支谋幸踴躍而无畛域见俾得从事其间三年祠告成又三年谱告竣夫谱以传信敏中公之上不敢妄纪遞傳而下星罗碁布凡我一脈者详之惟士璧公裔姑待查考则止立公神主于祠以誌不忘他如一切坟墓山向实者箸之疑者阙之无敢混也山非坟主将山载明无或省也立继必择同姓异者不许乱宗闻有世远年湮弗便遽摈者同姓则书某之子承嗣异姓用抚字以别之更叙兄弟后以附之渊公一支原无异继近有十余丁予初彙稿时概已削除原源四十字今尚十余未週传四朝而各房无异其源流不诚远耶予忝族末年踰六旬自念

庚辰倡议积十四载仅成私祠荏苒至今復十七载幸附诸族长后以一身兼本支四分之任始获克遂初褻仰酌我伯父暨曾大父之願嗚呼彝緒常存绍承惟善蕃如吾族应不乏人尚冀克敦雍睦共守先型俾祠谱光辉永垂来奕其自文简公以下实嘉赖之士渊公十九世孙吴昌杏村贤振九均氏敬撰

一 修趙序

国运之昌盛基于民气之樸淳而族师春秋所书乡大夫月吉所考尤人心风俗之所见端平江向鲁齐先生予己酉选拔同年也为人端谨息到动止有法足徵向氏之家风矣迨先后成进士同官京师九衢人漉车马暄阗惟吾两人结契最深论文讲艺之余语及向氏支派为宋公族世居河内其迁於南楚则自宋宝祐时有文简公敏中之七世孙士璧者为潭州节度使遂以河南宦籍改隸湘湖间与其弟衡龙雄渊卜宅于平江于是向氏分四大支星罗碁布最庶且繁予闻而心识之今岁春命调任滇黔道经梓里适遇重修家乘武陵上舍生向廷燦澹如六兄携谱问序于予披阅一过大率皆曩时所闻于鲁

齐者澹如于鲁齐为从祖行系平江龙公一支乾隆时迁武陵为人亦端谨而好善且于合姓缀食统宗继别之大皆能讲明而切究之仁人报本君子笃亲不当如是耶然后叹氏族之蕃昌风俗之淳古皆我国家醞釀涵濡之所致予从其请而为之撮其大概如此向氏子孙由此益加培植交见绍潭州之令绪衍僕射之清风继继承承寢昌寢炽岂不休哉清道光乙酉嘉平月上浣赐进士出身诰授荣禄大夫兵部尚书兼都察院右都御史总督云贵等处地方提督军务兼理糧饷前翰林院编修国史会典馆纂修掌山东京畿道監察御史礼科刑科给事中广东惠潮嘉兵备道广西提刑按察使司按察使广东承宣布政使司布政使兵部侍郎兼都察院右副都御史巡抚广西等处兼理糧饷加五级又随带加一级纪录十二次趙慎畛拜撰

三修公序

家之有谱猶國之有史所以徵信也周官小史之职说者谓即后世族谱之肇端不过奠世系辨昭穆而已而世之修谱者或授势位標名望以为光宠于是有联宗者认族者甚

至改姓易氏而不以为嫌是自忘其祖自诬其祖奚以谱为狄开襄宋名臣也有以狄梁公为主者武襄曰某以一时遭遇安敢妥攀梁公人服其卓见向氏之由来久矣自春秋以后逮于汉晋唐各代代有名贤著于史册而尤独显于赵宋时吾族自宋末迁平江之梓江历元明以来子姓渐蕃分隸长湘诸邑国朝乾隆甲辰始建祠于伍市踵修族谱讫始于宋相文简公非苟然也谱近不谱远法本眉山苏氏由迁平始祖上溯文简公相距六代其派系可按也其邱墓可考也其游宦迁移转徙之迹历历可证也搜讨遗编纲罗放佚虽未能一一确为证据固可得十之七八自异于籍谈之数典熊生之哭墓致等于无稽也据其可信者传之其未遽信者阙以俟之前人创始岂不斟酌于至当哉踵是而修者则道光乙酉岁也或间有考订问有增损而其大致悉本旧规不外乎一脉相承致辞乱宗之意而已咸丰壬子因粤寇之乱蔓延湖湘各境族人愿重修旧牒以笃宗盟录族愈众事愈繁费愈广屡议屡散甲寅冬至祀祖之其族众大会其议始合公举总理某某协力某某司局某某其丁费则房长经理之然后归人总理其初稿亦房长编定之然

后归人司局盖分而任之则事有專屬而无疏脱错误之虞合而攷之则体归一致而无参差错出之弊以敬宗以收族生逢隆盛宅尔宅田尔田安土而各为其生也即偶遭兵燹亲其亲长其长亦聚族而不至于散也守前规于勿越庶垂后世于无穷始于乙卯三月竣于丁巳八月盖其慎也窃维吾祖自宋末迁平亦惟是避难图存冀保宗祊耳迄今沿而溯之厯世数十厯年数百绵绵延延引而勿替合长湘诸邑子孙不啻千億焉每值祭期远近咸集骏奔走执豆笾昭与昭齿穆与穆齿肃肃以敬雍雍以和俨然家人父子之处一堂也由是而推正则一脉之相承所以保也滋大者岂有涯乎但愿吾族人无失先人典则以为子孙模范则今日之谱又为异日之承籍正续承而光大之者正有赖于后来之贤肖也矣是为序 清咸丰七年岁次丁巳秋八月穀旦合族谱局公撰

四修张序

家之有乘猶国之有史也国元史则孰知与衰治乱之由家无乘则孰知世系源流之辨斯二者大小有殊而其为不可无则一也夫建宗祠置祀田薦馨香以隆孝享其于木本

水源之义可谓厚矣然派别支分而谱牒不修亦于敬宗收族之道有歉也范文正公当日吾吴中宗族甚多于吾固有亲疏然以祖宗视之均是子孙固无亲疏也芟苏两家之各有谱式也亦非徒以纪蕃衍誌阅已也上以明祖宗之根源下以叙子孙之支派使昭穆不失其伦而油然生其孝弟之心以共敦一本之谊耳河内向氏古罗望族也自乾隆至道光以迄咸丰家乘已三修矣癸未秋余乞假南旋聘其族蘭浦课读适以续修家乘辞竝携其旧帙以示予且求为文以叙之予披阅一边始知向氏族谱原原本本稟承甚远查核甚明上下千百年宛如符节之不爽夫世之为谱者大都攀援仕宦附会名贤日吾祖即某卿之分派某相之箕裘是欲引为谱牒光而先灵且含羞于泉坏矣若向氏者肇于春秋绵于汉晋盛于汴宋将相勳猷昭垂史册洎于昭代文则崇祀乡贤武则崇祀忠义潜德幽光久而益发而谱牒愈见其浩繁即愈见其彪炳呜呼莫为之前虽美弗彰莫为之后虽盛费传今向氏族谱辑修于前者三兹復起而修之是于木本水源之义不徒以黍稷馨香展孝思也又能扒祖宗一脈之意以联属其子姓是以上而祖宗之根

源井然而不紊也下而子孙之支派秩然而有序也所以兴起其孝弟之良而笃亲亲之
谊者皆与前贤之意合焉且能仰副圣朝仁孝治世之心行见诞敷前烈光大门闾必尤
盛也故乐为敍之清光绪甲申秋仲钦赐策勇巴图鲁布政使銜前福建甘肃按察使司
按察使现总辨江西督销盛务张岳龄顿首拜撰

五修彭序

余家汨罗之滨为屈子旧遊地昔太史公适长沙观屈原所沉渊辄欢息流涕呜呼忠孝
之感人深矣沿汨而上有伍公市向氏宗祠在焉平之有向号称望族其蔓而籍于长邑
暨罗湘者与吾彭氏世多姻好也余少读书乡校尝从学博向蔚青先生游岁壬子尹平
江益得识其族之贤士大夫癸丑春丁外艰归里其来年五月明经向蘭浦前辈赉书于
余曰吾向氏自赵宋以来家于平者厯数百年予懼子姓之蕃而无与系也彝伦之歎而
无与敍也先世之泽之及吾身而斩也将续修家乘丐子文焉以序其端余惟仁孝者政
教之始而风化之源也周官小史掌邦国之志奠世系以观族姓源流魏晋以降转相传

述至眉山苏氏庐陵欧阳氏演为家乘后之言谱学者靡然宗之盖皆以笃亲亲之义而立爱敬之本也向之先出宋桓公世有令德赵宋时文简公敏中以重德人相勳业烂然于淳化天禧间其孙定国公復以椒房之亲位列通侯珥貂簪缓之望焜耀有宋者盖五六世逮乎丧乱衡龙昆仲犹能于荡析播迁之日抱贞养晦迄今闻其流风睹其遗跡靡不低徊而兴慕今向氏之谱其族也殆于此加之意乎此苏子所谓观吾谱者孝弟之心可以油然而生也诗曰孝子不匮永锡尔类礼曰立爱自亲始王子曰礼始于亲亲生乎湘壘歌哭之乡际乎沧海横流之日陈其世德以诏后昆维其伦纪以励末俗吾于向氏之谱有深冀焉后之览者将亦有感于斯言中华民国三年甲寅前任平江知事湘阴彭

斟雉撰